

**Master Negative
Storage Number**

OCI00070.01

MICROFILMED 1994

**CLEVELAND PUBLIC LIBRARY
PRESERVATION OFFICE
CLEVELAND, OH 44110-4006**

**GREAT COLLECTIONS
MICROFILMING PROJECT,
PHASE IV.**

**THE RESEARCH LIBRARIES
GROUP, INC.**

**Funded in part by the
NATIONAL ENDOWMENT
FOR THE HUMANITIES**

**Reproductions may not be made without
permission from the Cleveland Public Library**

**Histoire horrible et
espouuanteable de ce
qui s'est**

[A Arras]

[1640]

Reel: 70 Title: 1

**BIBLIOGRAPHIC RECORD TARGET
PRESERVATION OFFICE
CLEVELAND PUBLIC LIBRARY**

**RLG GREAT COLLECTIONS
MICROFILMING PROJECT, PHASE IV
JOHN G. WHITE CHAPBOOK COLLECTION**

Master Negative Storage Number: **OCL00070.01**

Control Number: BCF-5292

OCLC Number : 07079502

Call Number : W 174.4944 H629

Title : Histoire horrible et espouventable de ce qui s'est fait &
passé au faux-bourg S. Marcel : à la mort d'un miserable,
qui a esté deuoré par plusieurs diables transformez en
dogues, & ce pour auoir blasphemé le saint nom de Dieu &
battu sa mère.

Imprint : [A Arras : De l'imprimerie H. Schoutheer, after 1640]

Format : 11 p. ; 22 cm.

Note : Originally printed around 1640.

Subject : Demonology.

Subject : Chapbooks, French.

**MICROFILMED BY
PRESERVATION RESOURCES (BETHLEHEM, PA)**

On behalf of the
Preservation Office, Cleveland Public Library
Cleveland, Ohio, USA

Film Size: 35mm microfilm

Image Placement: IIB

Reduction Ratio: 8:1

Date filming began: 12-15-94

Camera Operator: Carmen Trinidad

HISTOIRE

HORRIBLE ET ES-

pouuantable de ce qui s'est fait & passé
au faux-bourg S. Marcel, à la mort
d'un misérable, qui a esté deuoré par
plusieurs diables transformez en do-
gues, & ce pour auoir blasphemé le
sainct nom de Dieu & battu sa mère.



IMPRIMÉ NOUUELLEMENT.



W174,4944

·H 629

49985W

HISTOIRE

HORRIBLE ET ES-

pouuantable de ce qui s'est fait & passé
au faux-bourg S. Marcel, à la mort
d'un miserable, qui a esté deuoré par
plusieurs diables transformez en do-
gues, & ce pour auoir blasphemé le
sainct nom de Dieu, & battu sa mère.

ON prend bien pour vne mesme signif-
cation les monstres & prodiges, &
dit-on généralement que choses monstrueuses
& prodigieuses, sont celles qui aduiennent
contre nature, ou que ce sont signes de
quelque malheur qui doit aduenir. Sextus
Pompeius toutesfois autheur & tres-docte, a
dit proprement selon *Ælius Stylo*, que les
monstres sont ainsi nommez pource qu'ils
nous monstrent, ou selon *Asinius Capito*,

pource qu'ils nous admonestent de l'aduenir & de la volonté des Dieux, & que les prodiges signifient le mesme. Mais Nonius Marcellinus qui a esté tres-grand obseruateur de la propriété des dictions, a semblé auoir briefvement & fort à propos escrit, que les monstres ce sont remonstrances & aduertissemens des Dieux, & les prodiges, menaces ou courroux des Dieux.

Et certainement les exemples qui nous sont représentez par les Histoires, nous peuuent facilement confirmer cette distinction.

Car nous lisons que fort souuent les Dieux quasi courroucez de nos fautes nous ont aduerty du mal qui nous estoit prochain, & nous menaçoit par diuers moyens comme par songes, par visions & phantômes & par signes méprisez iusques à l'effect & euene-ment : Ma deliberation n'est pas de reciter

tous les exemples memorables que nous pourrions mettre en auant pour ce fujet (car la longueur en feroit ennuyeufe) Mais simplement vous diray-je ce qui s'est fait ces iours paffez dans le fauxbourg faint Marcel, à l'endroit d'un mauuais garnement, non que ie vueille blafmer fa parentelle, mais feruira d'exemple pour fuyr les vices qui fe gliffent à préfent parmi la ieunesse abandonnée par grand malheur à l'impiété, reiettant la déuotion, ne songeant aucunement à faire prieres à Dieu ny foir ni matin, ains au contraire font des actes du tout hors du nom de Chrestien : car pour le prefent celuy qui fait plus de mefchancetez & de meurtres, paffe pour galand homme, celui qui blafpheme & renie Dieu d'un fang froid, fe fait craindre & eftimer fort mauuais garçon, comme de fait, il tuë fon ame : mais hélas ! fi les Payens obferuoient fi eftroite-

ment leurs loix, & leurs Déitez fabuleuses, à plus forte raison nous qui auons esté rachetez par le pur sang de Iésus-Christ deurions rougir de honte, & nous fera fait des reproches au grand iour du Iugment, & qui estions dans la vraye lumière de l'Evangile, n'auons tenu comte des Predicateurs, & fera trop tard de nous en repentir. Cecy soit dit en passant, et reuenons à ce méchant miserable abandonné de Dieu, qui durant sa vie s'estoit addonné à faire toutes sortes de meschancetez, & principalement au blaspheme, ce qui est la cause de sa cheute: en après l'on tient qu'il avoit plusieurs fois battu sa mere: tous ces crimes s'accumulant les vns sur les autres, après auoir frappé ceux contre lequel il auoit prise, le voilà en fin arresté par vne maladie, là où on l'admoneste de vouloir se disposer à nettoyer sa conscience, respond qu'il n'est pas malade pour en mou-

rir, sa bonne mère pourtant insiste & s'efforce à le vouloir faire confesser, parle au Vicaire de la Parroisse, qui y apporte tous ses soins & vigillances, & ne remporte autre raison que des forniettes, badineries & moqueries: iceluy Vicaire en aduertit Monsieur le Curé qui se transporte audit lieu où estoit le malade, là où après luy auoir fait des saintes admonitions, luy représente de se souuenir de la mort & Passion de Iésus-Christ, & autres saintetez qui luy peut raconter, il n'a autre réponse que celle qu'il auoit ci-deuant fait à fondit Vicaire: le voyant en cette sorte & ne le pouuant conuertir, l'abiurant au nom de Dieu de sçauoir s'il n'auoit point fait paction avec le diable, luy dit, qu'il y auoit moyen d'y bailler remede, & implorer la misericorde de Dieu: il ne peut tirer autre raison que ci-dessus: Monsieur le Curé le quitte dans cette obsti-

nation : On y employe quelque iour après, deux bons Peres Religieux, mais en vain & à tard : car comme ils voulurent monter dans la chambre, ils apperceurent une espouventable vision diabolique, de plusieurs dogues furieux se iettant & deschirant sur ce miserable cadavre. Ces bons Peres croyans qu'on les auoit dressé ce piege à dessein de les effroyer, descendent embas pour se plaindre, mais l'on répond qu'on ne sçait que c'est de ces animaux, & qu'il n'y en auoit point dans icelle maison : Ces bons Peres remontent pour voir la fin de ce spectacle hydeux, n'entendans qu'une voix effroyable, (qui crioit, il n'est plus tēps, ie suis damné.) Et tient on qu'on n'a trouué que la carcasse & le cœur avec quelques os & du sang espendu parmi la chambre. Ce prodige n'a peu estre si caché, que la plus-part des personnes de probité d'iceluy fauxbourg

n'ayent sçeu vne partie de la vérité de cette Histoire.

Au reste c'est un grand cas que l'eschole des Theologiens maintient, que les diables (soient-ils corporels ou incorporels) se ruënt & s'insinuent és corps des hommes substantiellement & se faissent de leurs ames, y exerçans effects de leur malice (tant qu'il plaist à Dieu leur souffrir) les affligeant & bien souuent les faisant tomber en péché. Neantmoins ce mot substantiellement, qu'il soit pris si estroitement, qu'on y comprenne l'opération, ains seulement l'oppression, & faisie de celuy qui vse de telle violence, lequel n'estant qu'esprit, vient aussi s'espandre par les membres du corps occupé & offusquant les puissances de l'ame se rend comme le maistre de la maison qu'il a ainsi surprise. Au reste autre cas est estre possédé actuellement du diable, & autre estre faisi d'iceluy,


comme en substance ; veu qu'il est escrit que le diable estoit entré au corps de Iudas, iusqu'à le forcer de vendre nostre Seigneur Iésus-Christ : & que Sathan emplit le cœur d'Ananie, lors qu'il se frauda le prix de la vente de son héritage posé aux pieds des Apostres : car en cet endroiçt ce faississement du diable n'emporte que la tentation d'iceluy, & l'exécution des deux sus-nommez aux conseils que le diable leur auoit suggéré, auxquels ils auoient desia donné consentement : là ou la possession des demoniacles est plus de la permission d'enhaut que d'ailleurs, Dieu se seruant de ses creatures pour sa gloire, ainsi qu'és demoniacles, desquels on voit l'histoire dans l'Euangile, & de ces Pithonnistes, desquelles est parlé au liure des Actes des Apostres. Finissant ie n'iray pas plus loing qu'à la mémoire toute frefche de ce spectacle d'horreur, qui nous doit faire

fonger à nos consciences, & demander pardon à Dieu, afin qu'ils nous preserue de tels malheureux accidens de desespoir.

FIN.



*A Arras, de l'imprimerie H. Schoutheer,
Rue des Trois-Visages, au numéro 53.*





L'original, imprimé vers 1640, appartient à Monsieur Claudin, libraire-paléographe, demeurant en la rue Guénégaud, au numéro 3, à Paris.

*Réimprimé à Arras, chez Schoutheer, par les soins
de Marguerite et René Muffat de Menthon,
bibliographes.*

